



Հրանտ Մաթևոսյան

Մեր վագրը

Դասարանում կար Սամադ, կար Մադաթ, կար Ամրխան, բայց Թուրք մենք Արտավազդին էինք ասում: Չգիտեի ինչու էինք Թուրք ասում, բայց Թուրք էինք ասում: Հիմա գիտեմ: Նրա եղբայրները դառնալիս էին եղել մեկ տարեկան ու մեռնելիս: Նրանից առաջ ծնված նրա եղբայրները դառնալիս էին եղել մեկ տարեկան ու մեռնելիս, և պատավները նրա մորը խորհուրդ էին տվել երեխաների վրա թուրքի ու քրդի մի օտար անուն դնել: Մահը չէր հասկանա, իբր, որ օտարի անվան տակ հայի տղա է ու ետ կդառնար ձեռքերը պարապ: Այդպես: Նրա հայրն ու մայրը լսել էին պատավների խորհուրդը, երեխայի վրա դրել էին թուրքի թե քրդի Արտավազդ օտար անունը և սպասել: Անցորդը, նրանց ցանկապատին հենված, նրա մորից մի բաժակ ջուր էր խնդրել և երկար կյանք էր մաղթել նրա գրկի տղային: Մայրը տխուր ժպտացել ու ասել էր, որ օտար անուն են դրել, որպեսզի... և անցորդը պայծառ ժպտացել ու ասել էր, որ դա օտար անուն չէ, իսկական հայի անուն է: Նրա մայրը սարսափից քարացել էր, նրա հայրը հուսահատ ժպտացել ու նստել էր խնձորենու տակ: Այդպես: Անունը հայի անուն էր, երեխան, սակայն, չէր մեռել, ապրում էր, դասարանը նրան Թուրք էր ասում: Հետո դպրոցի վարիչը ներս մտավ, դասարանը ոտքի կանգնեցրեց, ծանր, լուրջ, պինդ՝ ինքը դասարանի դեմ լուռ կանգնեց այնքան, որ մեր հարգանքը վախի պես մի բան դարձավ, և բանակային հրամանի նման հայտնեց, որ յուրաքանչյուր ունենք մեր անունը, և մյուս անգամ ինքը այդ դպրոցում մականուն չլսի: Դանդաղ՝ մենք գլուխներս Թուրքին դարձրինք, և այդ Ժամանակ վարիչը շնչաց. «Չգա՛ստ: Ինքներդ ձեզ նայեք»: Նրա շշուկը լսելու համար մենք շունչներս պահում էինք և մեր շունչը կտրվում էր: Կանաչ աչքերը լուրջ՝ դասարանի դեմ նա այդպես կանգնեց այնքան, որ բոլորիս ու

յուրաքանչյուրիս մեջ տեսավ, զինվորական հնազանդությունը, և այդ ժամանակ միայն դուրս գնաց: Եվ երբ նա դուրս գնաց, Թուրքի վրա մենք արդեն դրել էինք Օտար անունը:

Օտարի մայրը գրադարանի հավաքարարն էր. ավույն էր, ջուր էր բերում, փոշին սրբում ու գիրքը գրքերի արանքն էր մտցնում գլխիվայր, որովհետև անգրագետ էր: Նա գրադարանի հին պաստառը, որին կավճաշաղախով դաշված էր եղել ԿՈՐՉԵՆ ՕՏԱՐԵՐԿՐՅԱ ՋԱՎԹԻՉՆԵՐԸ, վառ կարմիր այդ պաստառն ահա գրադարանից տարել էր տուն, լվացել էր և որդու համար վերնաշապիկ էր կարել:

Օտարի հոր սիրտը հիվանդ էր. նվույն էր ու չէր մեռնում, նվույն-նվույն էր ու չէր մեռնում: Նվնվում էր ու ռազմաճակատ չէր գնում, իրենց տանը իր որդու կողքին էր, մեր կողքին չէր, իր որդու կողքին էր: Նա գյուղի միակ տղամարդն էր... նա ամաչում էր այն բանի համար, որ ինքը գյուղի միակ տղամարդն է: Նա մեր մայրերի ձեռքից կացինը վերցնում էր, որպեսզի ինքն աներ փայտ ջարդելու տղամարդու այդ գործը, մի երկու անգամ խփում էր գերանին և կնճռոտվում ու բռնում էր սիրտը: Նվում էր ու չէր մեռնում, նվնվում ու չէր մեռնում: Նվալով կար, հայր էր, իր Օտար որդու հայրն էր, իր որդուն էր օգնում՝ լուծելու մաթեմատիկայի խնդիրները, իսկ մեր հայրերը ռազմաճակատում էին: Վաղ լուսաբացի սառնամանիքը ճաքճքեցրել էր իմ ձեռքերը. ես մի կերպ կարողանում էի խոտ տալ կովերին, մի կերպ բռնում էի թիու կոթը և մաքրում գոմը, բայց չէի կարողանում գրիչ բռնել գրիչի տակ մատներիս մեջ սուր ծակոցով փշեր էին արթնանում: Մեր բոլորիս ձեռքերն էին ճաքճքած, ես ինչո՞ւ եմ ասում «իմ ձեռքերը», «իմ մատները», որովհետև ես հիշում եմ իմ ցավը: Իմ մարմինը հիշում է միայն իր ցավը:

Երբ Օտարը դասարան մտավ կարմիր վերնաշապիկը հագին, մենք բոլորս կարծեցինք աղջիկ ներս մտավ: Հետո տեսանք, որ Օտարն է, կարմիր վերնաշապիկ է հագել, և տեսանք, որ բոլոր տղաներս դարչնագույն ենք, տնագործ բրդե մեր շորերը միայն դարչնագույն են: Մենք սառած գետակն ի վար իջնում էինք, գնում մինչև Սդոցարաններ ու շալակով կաղնու կեղև էինք բերում, որպեսզի մեր մայրերը կաղնու կեղևով դարչնագույնեն բուրդը, իսկ Օտարն, ահա, կարմիր վերնաշապիկ էր հագել: Մի րոպե մենք լոռեցինք ու լուռ մտածեցինք, որ Օտարի հայրը նվվում է ու չի մեռնում, Օտարի մայրը գողացել է գրադարանի կարմիր պաստառը և կարմիր վերնաշապիկ կարել: Ես թուքս կուլ

տվի ու չասացի, որ նրա մայրն, ուրեմն, գողացել է կարմիր...

Աղջկա շոր ես հագել, ասացին:

Օտարը խոնարհեց աղջկա իր երկար թարթիչներն ու թուրք կուլ տվեց, ես տեսա ադամախնձորի դանդաղ վերովարտումը նրա բարակ վզին: Ես գնացի նստեցի իմ տեղը, որպեսզի նրանցից հեռու լինեմ և նրա մասին, որևէ սրամտություն չանեմ: Բայց ես չէի կարողանում չնայել նրա կարմիր վերնաշապկին:

Դու դրոշակ ես, ասացին:

Դու հերոսության դրոշակ ես, ասացին: Ապա ես լսեցի Մադաթի շատ չոր ձայնը.

Դու քո հոր հերոսության դրոշակն ես:

Հայացքը խոնարհած՝ Օտարը կանգնել էր ու նրանցից չէր հեռանում:

Պատմության ուսուցչուհին եկավ, ամեն մեկն անցավ իր տեղը, իսկ Օտարը, իր կարմիր վերնաշապկով, դասարանի դեմ կանգնած էր հայացքը կախ:

Ինչո՞ւ չես անցնում տեղդ, ասաց պատմության ուսուցչուհին:

Կարմիր վերնաշապիկ է հագել, ասացին:

Այո, ասաց պատմության ուսուցչուհին: Դանդաղ, ասես կավացեխի միջով, մեր հայացքների տակ նա եկավ նստեց իմ առջև, իր տեղը:

Կարմիր վերնաշապիկ է հագել, ասացին բնագիտության ուսուցչուհուն:

Այո, ասաց բնագիտության ուսուցչուհին, կարմիր վերնաշապիկ է հագել, հետո՞ ինչ:

Շոր հերոսության դրոշն է, ասացին:

Ոչ, ասաց բնագիտության ուսուցչուհին, ձեր նախանձի դրոշն է:

Նրա մայրն ինչքան էլ լվացել էր՝ կավճաշաղախը կարմրի վրայից չէր անցել, լավ չէր անցել, օճառ չկար, միայն տաք ջրով... Ես այս պատմությունն իզուր սկսեցի. չգիտես, թե ինչպես կարող է պատահել, որ օճառ չլինի, որ լվացքը մոխրաջրով անեն, որ քեզ մոխրաջրով լողացնեն, չգիտես, թե քոսն ինչ է, թե մենք ինչու էինք կաղնու կեղևը Սղոցարաններից շալակած բերելու գյուղ, թե ոչիլն ինչ է, թե մեզ ինչու չէին թողնում մազ պահել. չգիտես, թե ինչ է քո մերկ մարմնին կաած կոշտ բրդի անընդհատ գոյությունը և որ մենք չէինք կարող հանել շալատել բրդե այդ ծակծկող, անընդհատ քորեցնող ու ծակծկող կոպիտ գործվածքը (մեր մայրերն ասում էին՝ «գործքը», «գործը»). դու չգիտես, թե ինչ է պատերազմը և ինչ լավ է, որ չգիտես:

Օտարը, ուրեմն, իմ առջևն էր նստում: Նրա կարմիր թիկունքը հիմա, ուզեի թե չուզեի, իմ հայացքի մեջ էր: Նրա մայրն ինչքան էլ լվացել էր՝ սոսնձի ու կավճի

շաղախը պաստառի միջից չէր անցել: Մի քիչ սրվելով՝ ես տեսա հին տառի լրիվ հետքը՝ S: Անմիջապես S-ի կողքին O տառն էր: Ես դա գրո էի տեսնում, բայց գրոյի կողքինը թվանշան չէր, այլ՝ Ա: Եղավ SUO... Ես սկսեցի ուրիշ տառ փնտրել: Ջախ թևքի վրա Ջ էր: Եղավ UQOS: Որ ի՞նչ: Բոլորովին էլ սրամիտ չէր, բայց ես ժպտում էի, որովհետև համարյա թե սրամիտ էր: Նրա նիհար ուսին կես Ն էր: Թիկունքով նա իմ հայացքը երևի զգում էր, որովհետև կուչ էր գալիս ու կուչ էր գալիս: Ես ամաչեցի ու ինձ ասացի, որ նրա թիկունքին, նրա կուչ եկած թիկունքին, նրա նիհար ուսերին, նրա բարակ վզին ու ծոծրակի փոսին չեմ նայելու, բայց նա քարացել ու աչքիս դեմ էր արել հենց Ա տառի կողքին՝ Բ: OSUR:

«Օտար» մտքիս մեջ ասացի ես: «Օտար» ասացի ես շշուկով, որպեսզի միաժամանակ ասած լինեմ ու ասած չլինեմ:

Կարմիր վերնաշապիկ է հագել, ասացին աշխարհագրության ուսուցչուհուն:

Պատերազմը վերջանա՜ բոլորդ էլ կհագնեք, ասաց ուսուցչուհին:

«Օտարի մեջքին գրված է OSUR», ասացի ես մտքիս մեջ, որպեսզի բարձրաձայն չասեմ:

Դասամիջոցին ես ու Մադաթը կովեցինք: Դա, իհարկե, կոիվ չէր, բայց ինչպես չէր կոիվ, եթե Մադաթը նստել էր իմ կրծքին և կեղտոտ ձնագունդը խցկում էր իմ բերանը: Բերանս սեղմած՝ ես գլուխս փախցնում էի, իսկ նա կատաղում և դարձյալ ու դարձյալ ուզում էր կեղտոտ ձնագունդը խցկել իմ բերանը: Եթե ես թիկունքի էի ընկած, և ինքը պինդ նստած էր իմ կրծքին՝ նրա համար դա հաղթանակ չէր, իր կեղտոտ ձնագունդը նա սեղմում ու սեղմում էր իմ բերանին և կատաղում էր այն բանի համար, որ իմ բերանը չէր բացվում, դեռ չէր բացվում: Իսկ հետո արդեն եկան վարիչն ու ռազմագիտության ուսուցչուհին:

Մենք շարվեցինք, ձախ դարձանք և, նրա պողպատե հայացքի տակ, սպասեցինք: Մի րոպե մենք այդպես սպասում էինք, և մեր դեմքերից դանդաղ սրբվում էր դասամիջոցի աշխուժությունը, մեր մեջ մեռնում էին դասամիջոցի կատակները: Այդպես սրբվեց, այդպես մեռան, և տակը մնաց գունատ երեխաների մեր շատ լուրջ ու մի քիչ վախվորած շարքը: Նրա եղբայրը գոհվել էր ռազմաճակատում, և նրա առջև, գոհված եղբոր համար, մենք բոլորս մեզ մեղավոր էինք զգում, թեկուզ մեղավորը մենք չէինք, և հարգանքի հետ նաև վախենում էինք նրանից, որովհետև երբ նա մեզ նայում էր, ամեն անգամ երբ

նայում էր, մեզ թվում էր, թե մենք ենք սպանել նրա եղբորը: Շաբաթից շաբաթ և դասից դաս, նույնիսկ մեկ օրվա մեջ, մաթեմատիկայի ժամից մինչև ռազմագիտության ժամ, խստությունը նրա դեմքին կարծրանում էր, և մենք հասկանում էինք, թե նրա համար ինչքան լավն էր եղել նրա եղբայրը, ինչքան խորն էր եղել եղբոր սերը նրա մեջ, և ինչքան մեծ է նրա վիշտը:

Ես թուքս կուլ տվի ու մտածեցի, որ լավ կլիներ, եթե իմ անգրագետ մոր փոխարեն իմ մայրը նա լիներ, այդ դեպքում նրա մաթեմատիկայից ես չէի վախենա, իսկ նրա ռազմագիտությունից ես չէի վախենում:

Ի՞նչ է, շնչաց նա:

Ես ընդամենը թուքս կուլ էի տվել ու մտածել, որ լավ կլիներ... «Ոչինչ», չասելու պես ցածր ասացի ես, կանգնեցի զգաստ ու գոջացի մտածածիս համար:

Աղջիկները շաբթից դուրս եկան. նշանակում է՝ նա շնչացել կամ միայն նայել էր, և աղջիկները հասկացել էին, որ իրենց հրամայված է շաբթից դուրս գալ: Ձմռան ու գարնան այդ կեղտոտ արանքում գյուղի ամբողջ կարմիրը, նարնջին, կանաչը նրանց հագին էր, նրանք անաղմուկ խմբվեցին ու մեր դարչնագույն շաբթին նայեցին մի քիչ հեզանաքով, մի քիչ էլ սիրով: Մինչև հիմա ես հիշում եմ նրանց խաժ աչքերի բույլը: Բույլը՝ այսինքն խումբը, այսինքն երբ աղջիկները խմբված են ու բոլորը միասին քեզ են նայում: Կարելի է ասել աստղաբույլ, կարելի է ասել երիցուկի բույլ, աստղածաղկի բույլ, կարելի է ասել, երբ նրանց հայացքը մաքուր է, և նրանք քեզ նայում են մի քիչ հեզանաքով ու մի քիչ էլ սիրով, աղջիկների խաժ աչքերի բույլ:

Նա ունքերը հավաքեց, և տղաների մեր շարքը խտացավ:

Նա դանդաղ բարձրացրեց դեմքը և շաբթի մի ծայրից բոլորիս ու յուրաքանչյուրիս վրայով մյուս ծայրը տարավ իր կանաչ աչքերի լուրջ հայացքը: Շարքը հասկացավ, որ... Շարքը մի վայրկյան, ինքը իրեն համբելուց առաջ, քարացավ, ապա ես լսեցի շատ չոր՝ քարով քարի խփելու պես.

Մե՛կ:

Երկո՛ւ, իմ թիվն ինձնից ձախին նետեցի ես: Մի կիսահայացքով ես նկատեցի մեր շաբթի ամբողջ դարչնագույնությունը և շաբթի ամենածայրում՝ մի կենտ կարմիր վերնաշապիկ:

Ո՛ւթ:

Ի՛նք:

Տա՛սը:

Տասնմե'կ:

Տասներկո'ւ:

Վե'րջ: Ոչ:

Տասնե... եկավ Օտարի անհամարձակ, ձայնը: Աղջիկների աչքերում ժպիտի պես մի բան երևաց, իսկ ուսուցչուհին դարձյալ տարավ իր կանաչ աչքերի խիստ հայացքը շարքի մի ծայրից մյուս ծայրը: Խոր լռություն էր, մենք շունչներս պահել էինք, այդ լռության մեջ կայծկլտում էին աղջիկների աչքերը: Ես լսում էի իմ սրտի զարկերը և նույնիսկ լսում էի, թե իր մտքի մեջ ինչ է մտածում № 1-ը № 13-ի մասին: Ինձ թվում էր, թե իմ սրտի զարկերը № 1-ի սրտի զարկերն են և № 13-ի մասին նրա մտածածը ես եմ մտածում:

Ուռաա'... ծնվեց, հեռու Սուր բլրին հաստատվեց ու Մեծ հովտով մեկ ձյունների վրայով ծավալվեց մինչև գյուղ ութերորդ դասարանցիների կանչը, աաա-ա' աա...

Նրանք գորավարժության էին անում: Նրանց հրացանները մեր հեռվից իսկական էին երևում, նրանց ձայների պատանեկան հնչումը խլանում էր խմբային աղաղակի մեջ, և դա թվում էր իսկական գրոհ Սուր բլրի լանջերն ի վար Մեծ հովտով դեպի Ձնծաղկի բլուր: Նրանց սև կետերը հիմա չէին երևում, միայն բլրի սպիտակ լանջն էր, իսկ նրանց աղաղակը լսվում էր. ուրեմն՝ նրանք հովտում էին, գրոհում էին Ձնծաղկի բլուրը: Այնինչ, Ձնծաղկի բլուրը լռում էր: Իմ աչքերը լարվելուց արցունքոտվեցին, բայց Ձնծաղկի բլուրը միայն մաքուր սպիտակ էր, ոչինչ այնտեղ չէր շարժվում ու լուռ էր: Մենք բոլորս նայում էինք Ձնծաղկի բլուրին, «թշնամին մի՞թե սպիտակ շոր է հագել», մտածում ու լարված նայում էինք մենք, թշնամին, այնինչ, հայտնվել էր նրանց թիկունքում, նույն Սուր բլրի լանջին էր, լուռ ու արագ իջնում էր, նրանց ետևից արդեն հովիտ էր մտնում: Ութերորդ դասարանցիները դեռ միայն «ուռա» էին գոռում, իրենց հերոսական աղաղակը լցրել էին իրենց ականջները և չգիտեին, որ դա տխուր ու հիմար «ուռա» է:

Ութերորդ դասարանցիների այդ միամտության պատճառով ուսուցչուհու դեմքին զգվանք խաղաց: Եվ, ասես դատարկ բլուրը գրոհող միամիտները մենք էինք, զգվանքով նա մեզ հրամայեց.

Զգա'ստ: Հապա մի մեկից վերջ թիվ տուր:

Իմ ականջի մոտ հնչեց քարով քարի խփելու լսես.

Մե'կ:

Երկո՛ւ, իմ թիվն ինձնից ձախին նետեցի ես:

Երեք:

Նա հիմա մեզ կբաժանի երկու խմբի, կենտ թվակիրները՝ առաջին խումբ, գույգերս՝ երկրորդ: Օտարը տեսնես կե՞նտ է, թե գույգ: Երանի կենտ լինի: «Տասներեք» թիվը կերկերաց Օտարի անհամարձակ ձայնի մեջ:

Տասնչորս:

Բայց նրանք՝ և պարտված ութերորդցիները, և հաղթած յոթերորդցիները, որոնց ձայները ձյունածածկ Մեծ հովտում այդ պահին բռնկվեցին շատ ուժեղ, բոլորը նրա աշակերտներն էին, և այդ № 1 Մադաթը նրա գոհված եղբոր որդին էր, և Օտարի ձայնը վախեցած էր, և աղաղակը հովտում հանգավ, և տնագործ նեղ տաբատներով մենք եվրոպացի ասպետների նման էինք, իսկ հովտի տղաները երևի հոգնած թափվել ու ձյուն էին ուտում, ահա, այս բոլորի կամ այս բոլորից միայն մի բանի համար (կամ գուցե Օտարի վրա նա տեսել էր Տ տառը)

ուսուցչուհին մի քիչ, հագիվ նկատելի ժպտաց, և ես դարձյալ մտածեցի, որ լավ կլիներ, եթե իմ մայրը նա լիներ: Այդպես էր. մեզ համար նրա մի ժպիտն ավելին էր, քան մեզ մեր մայրերի լողացնելը, այդ ձմռան մեջ տաք ջրով մեզ լողացնելը:

Երկու շաբթ կա՛գ-մի՛ր: Մե՛կ, երկո՛ւ, երե՛ք:

Տրեխավոր ոտքերի փափուկ քայլերով գույգ թվակիրներիս երկու քայլ առաջ ու մի քայլ կողքի գնացինք: Ես տեսա, որ թեկուզ փոքրիկ, թեկուզ յոթհոգիանոց շաբթի գլուխ կանգնելն ինձ դուր է գալիս:

Առաջին շաբթ, գետն ի վեր մինչև Տաք աղբյուր՝ վազքո՛վ: Այնտեղ ծաղկած ուռենի կա, յուրաքանչյուրը բերում է ծաղկած ուռենուց մի փոքրիկ ճյուղ: Կրկնե՛լ: Իմ սիրտը թարտաց. դա և վազքի ցանկությունի՛ց էր, և նրանի՛ց, որ խաժ աչքերի բույրը կար մեր կողքին, և ա՛յն բանից, որ արդեն գալիս էր, ուրեմն, դեղնականաչ փափուկ գարունը:

Չեմ ուզում, Օտարին իմ խմբից հանեք, չոր, քարով քարի խփելու պես ասաց Մադաթը:

Նա դեմքը դանդաղ բարձրացրեց և շնչաց շատ ավելի աչքերով, քան բերանով. Ի՞նչ օտար:

Մենք բոլորս կիսաշրջվեցինք ու նայեցինք Օտարին. նա զգաստ էր կանգնել, բայց ինձ թվաց, թե դարձյալ կծկված է իր Օտար անվան, իր հոր նվոցի, մոր միամիտ գողության տակ: Աղամախնձորը, նրա բարակ վզին, դանդաղ բարձրացավ, մնաց ու դանդաղ իջավ: Մենք բոլորս նայում էինք նրան,

ուսուցչուհին նայում էր նրան և սպասում էր, թե ինչ կասի իր եղբոր որդին:

Արտոն, մրթմրթաց Մադաթը:

Ի՞նչ Արտո: Ուսուցչուհին նրանից սպասում էր այդ անվան լրիվ ու բարձրաձայն հնչումը, և ճիշտ տեղն էր ասելու. «Եթե նրա անունը Օտար չլիներ՝ վրան գրված չէր լինի»: Դա կլիներ ամբողջ դպրոցում ամբողջ տարվա ամենասուր կատակը, բայց Օտարն այդ պահին, երբ ես խմբի ղեկավար էի, և աղջիկները նայում էին, և արդեն-արդեն դեղնականաչ գարուն էր լինելու, ինձ այդ պահին Օտարը դուր էր գալիս, նրա կարմիր վերնաշապկի մասին ես բան չասացի:

Արտավազը, մրթմրթաց Մադաթը. նա, միևնույն է, համաձայն չէր Օտարի այդ նոր անվան հետ: Արտավազը, չոր, քարով քարի խփելու տես ասաց նա. թող Արտավազ լինի, բայց միևնույն է, իմ խմբից հանիր:

Ուսուցչուհին իր պողպատե հայացքը հառեց նրան, ուղղակի՝ դրեց իր ծանր հայացքը նրա վրա և ոչինչ չասաց, բայց շատ լավ հասկանալի էր, թե այդպիսով ինչ էր ասում նրան, ասում էր, որ ինքն այստեղ նրա հորաքույրը չէ, ինքը մաթեմատիկայի և ռազմագիտության ուսուցչուհին է:

Մադաթը շփոթվեց, բայց նայում էր դարձյալ ուսուցչուհու երեսին, այնուամենայնիվ, նա իր հորաքույրն էր, և, բացի այդ էլ, Մադաթը համարձակ տղա էր:

Հանեցեք, ինքն իրեն ուղղեց Մադաթը: Բայց միևնույն է՝ հանեցեք իմ խմբից:

Ներեցեք, հեզեց ուսուցչուհին, իսկ քեզ ո՞վ ասաց, որ խմբի ղեկավարը դու ես: Մադաթը նայեց խմբին, նայեց իրեն, խումբը նայեց նրան, և դա այդպես էր՝ խմբի հրամանատարը ինքն էր: Նա նայեց ուսուցչուհուն, համառորեն նայեց ուսուցչուհուն և չասաց «ես ասացի», բայց նաև չասաց «ներողություն»:

Ուսուցչուհին նայում էր նրան, նա նայում էր ուսուցչուհուն, և ոչ մի արքանով նրա բերանից չէր հանվի ներողություն բառը: Եվ ուսուցչուհին տեսավ, որ դա այդպես է՝ հրամանատարը նա է ու Օտարին իր խումբ չի առնում:

Ուսուցչուհին դանդաղ իջեցրեց իր ծանր կոպերը, մի քիչ մնաց այդպես աչքերը փակ ու դեմքը բարձր, և երբ ծանր կոպերը դանդաղ բարձրացրեց՝ արտասուքով լիքը հորաքույր էր, և շատ լավ ետևում էր, որ գոհված իր եղբորը նա տեսնում է նրա որդու մեջ: Մենք դա լավ էինք հասկանում, քանի որ այդ պահին այդ տղայի մեջ մենք ինքներս տեսնում էինք հրամանատարի ու հերոսի: Նա լավ հրամանատար էր. նա ուզում էր ունենալ այնպիսի ջոկատ, որի յուրաքանչյուր մարտիկը լիներ վստահելի վագորդ: Նա լավ ուսուցչուհի էր. նա ուզում էր իր մեջ

միատեղել մեր բոլորիս ու յուրաքանչյուրիս սերը և ռազմական կարգապահությունը: Բայց այդ ինչպե՞ս է պատահում, որ ես լավն եմ, նա լավն է, դու լավն ես, բոլորս լավն ենք, իսկ վատ բան այդուհանդերձ լինում է: Գլուխը մի քիչ թեքած, վիզը բարակ, խոշոր աչքերը փայլուն՝ Օտարը նայում էր դեպի հեռու լեռները և կարծես չէր շնչում: «Չի կարողանում վազել, ճանապարհին մնալու է, իմ խմբից հանեցեք», լսեցի ես: Օտարը թարթեց աչքերը: Միայն թարթեց աչքերը: «Չի կարողանում վազել, աղջիկների մոտ թող մնա», լսեցի ես: Օտարն անշարժ սպասում էր: Այդպես միայն գառն է թույլ տալիս խոսել իրեն մորթելու մասին, ջուրն է թույլ տալիս գովել իր համը կամ չհավանել իրեն, պայծառ արևածաղիկն է սպասում իր պոկվելուն կամ փրկվելուն: Վերնաշապկի կարմիր ցուլքը նրան գեղեցկացրել էր: Իր մասին այդ հրամանատարի և ուսուցչուհու խոսակցության, մեր հայացքների, այդ կարմիր ցուլքի մեջ նա լուռ սպասում էր, և ինձ թվաց, որ ուսուցչուհուց էլ, այդ հերոսական հրամանատարից էլ, աղջիկներից էլ լավը նա է, և ամենաստորը ես եմ, որ ահա թույլ եմ տվել այդպես քուռակի պես նրան մեջ առնել ու գրուցել նրա վագրի անպիտանությունից, և ես ինքս էլ համապատասխան տառեր եմ հնարում նրա թիկունքին: Նա թուրք կուլ տվեց, նրա բարակ վզի ադամախնձորը բարձրացավ, մնաց ու դանդաղ իջավ, իմ բուկը նույնպես նեղացավ, ու ես տեսա, որ նրա փոխարեն խեղդվում եմ: Խեղդվում եմ այն բանի համար, որ իմ հայրն ահա նվում-նվում է ու չի մեռնում, որ իմ մորն ահա հին պաստառ են տվել, և դա նման է գողության, որ պատահականությունը ճիշտ իմ մեջքին է դաշել իմ Օտար անունը, որ այս ուժեղ աշխարհում միայն իմ ուժն է քիչ:

Մադաթը թող գա երկրորդ ջոկատ, ես գնամ առաջին, ասացի ես:

Ուսուցչուհին չլսելու տվեց:

Մադաթը թող գա երկ...

Ուսուցչուհին կտրուկ նայեց ինձ: «Չեք ուզում՝ չեմ...», մտածեցի ես, բայց նույն պահին էլ հասկացա, որ նա ինձնից պահանջում է ռազմագիտությանն ու իրեն վայել դիմում:

Թույլ տվեք դիմել: Ես մի քայլ առաջ գնացի, կանգնեցի զգաստ և առաջարկեցի.

Մադաթին թույլ տվեք գալ երկրորդ ջոկատ, ինձ՝ գնալ առաջին:

Նա շշուկով հարցրեց.

Ինչպե՞ս:

Ես կրկնեցի.

Ինձ կարգադրեք տեղափոխվել առաջին ջոկատ, Մադաթին՝ երկրորդ, և ասացի Մադաթին. Քանի որ չես ուզում Արտավազդի հետ նույն խմբում լինել՝ արի խումբներս փոխենք:

Նա սառնությամբ, մի տեսակ՝ չտեսնելով, նայեց ինձ ու հայացքը թեքեց: Ես շփոթվեցի: Ես հասկացա, նրա սառնության պատճառը և ավելի շփոթվեցի, նա՝ № 1 ինքը № 2 ինձնից էր բարձրահասակ, նրա 3-ը, 5-ը, 7-ը, 9-ը, 11-ը, 13-ը՝ իմ 4 6 8 10–12–14-ից. նրանը, այդպիսով, բարձրահասակների խումբ էր, իսկ ես նրան առաջարկել էի վերցնել ցածրահասակների իմ խումբը: Նա, ազնիվ խոսք, լավ գորավար էր: «Հաննիբալ», մտածեցի ես, «Սուվորով... Կուտուզով... Հասան խան... քո անունը եթե Հասան խան չդնեն», այնինչ, նրա անունը հենց նրա վրա էր՝ Մադաթով, գեներալ գնդապետ Մադաթով: «Քո անունը եթե գեներալ մայոր Մադաթով չդարձավ...»

Փոփոխում չի լինելու, ասաց ուսուցչուհին: Առաջին շարք, գետնի վրա մինչև Տաք աղբյուր ու ետ՝ վագրո՛վ:

Ոչ, չոր, քարով քարի խփելու տես ասաց նա, Օտարին հանեք իմ ջոկատից:

Ի՞նչ օտար, ծղրտաց ուսուցչուհին:

Դուք գիտե՛ք, ասաց նա:

Իսկ ո՞վ ասաց, որ ջոկատը քոնն է, ծղրտաց ուսուցչուհին:

Այդպես է, ասաց նա:

Իսկ եթե քեզ զգեն փայտանոց ու դուռը վրադ կողպե՞մ, ծղրտաց ուսուցչուհին:

Նա մի պահ ճոճվեց, շարքից դուրս եկավ ու գնաց դեպի փայտանոց:

Ետ արի, ծղրտաց ուսուցչուհին:

Նա ետ չնայեց: «Գցեք փայտանոց ու դուռը վրաս կողպեք», լսվեց նրա ձայնը:

Նա գնում էր, հեռանում էր, արդեն իջնում էր նկուղի աստիճանները, նրա կեսն արդեն մթան մեջ էր: Այդպես հեռացել էր, այդպես գոհվելու էր գնացել նրա հայրը՝ ուսուցչուհու եղբայրը, և չէր վերադառնալու, էլ երբեք չէր դառնալու:

Ե՛տ արի, խնդրեց ուսուցչուհին: Աստիճանների վրա նա կանգ էր առել, երևում էր նրա միայն գլուխը, բայց ետ չէր դառնում: Կիջներ կամ կբարձրանար: Կիջներ: Երևում էր նրա միայն գլուխը: Նրա հորաքույրը հայացքը շրջեց, որպեսզի չտեսներ նրա իջնելը, անհետանալը:

Բոլորը քո պատճառով, լսեցի ես:

Բոլորը նախատինքով նայում էին Օտարին, հիմա, երբ բոլորը նախատինքով նայում էին իրեն, նա չէր համարձակվում մտածել, հայացքը հեռուներին աահած,

որ ինքը մեղավոր չէ. նա կուշ էր եկել հենց մեղավորի պես և վախենում էր երևացնել բողոքի իր միակ խեղճ նշանը՝ ադամախնձորի վերովարումը: Իսկ Մադաթը շուտ էր եկել ու բարձրանում էր նկուղի աստիճանները՝ մեկ աստիճան, երկու աստիճան, կանգ առավ, երեք աստիճան, դանդաղ բարձրանում էր դեպի գեներալություն, գեներալ-մադաթովություն: Նա ինձ սաստիկ դուր չեկավ, և հիմա, երբ բոլորը նախատինքով Օտարին էին նայում, և Օտարն ինքն էլ իրեն համարում էր մեղավոր, զուտ այն պատճառով, որ Մադաթն ինձ դուր չեկավ, ես կարողացա հասկանալ, որ մեղավորը Օտարը չէ, որ եթե ճագարը շան առջև կուշ է գալիս՝ չի նշանակում, թե ճագարը մեղավոր է:

Ոչ գոշում, ոչ բան, եկավ ազատ-անկախ կանգնեց իր տեղը, շարքի առջևում, հանգիստ ասաց.

Խնդրում եմ հանեք:

Ինչո՞ւ:

Լավ չի վագում:

Այս, ասաց ուսուցչուհին: .

«Այո», դե ուրեմն հանեք: Նա մեզ հետ չի կարող վագել, ջոկատը նրա պատճառով ետ է մնալու: Մենք չենք կարող նրա պես դանդաղ գնալ:

Դա այդպես էր և միայն այդպես էր: Բայց ես չեմ հասկանում, ոչ մի կերպ չեմ կարողանում հասկանալ, թե ինչպես կարելի է կանգնել մարդու դեմ և ասել, որ նա թույլ է, նրա ծնկները ծալվում են, վագքի համար նա պիտանի չէ:

Դուք չեք ուզում նրա պես դանդաղ գնալ, նա չի կարող ձեզ հետ վագել, հասկանալի է, ասաց ուսուցչուհին, բայց հանեմ ի՞նչ անեմ:

Մադաթը չպատասխանեց, իշխանաբար թեք նայեց խմբին ու արհամարհոտ հայացքը գամեց Օտարին, քիչ էր մնում նրան պարզապես շարքից դուրս գալ հրամայեր: Դա ինձ դուր չեկավ:

Դու դարձյալ քո՞նն ես պնդում, ասաց ուսուցչուհին: Ինձ դա էլ դուր չեկավ, ուսուցչուհին կարծես թե գոհ էր այն բանի համար, որ այդ Մադաթը ուներ իր կարծիքը և պինդ կանգնած էր իր կարծիքին: Ուսուցչուհին դարձավ ինձ: Իսկ դո՞ւ:

Քամին սուրում է, արծիվը ճախրում է, ջրվեժը քարափից նետվում է, ձայնը թռչում է, հորթը քամու հետ սլանում է... վագքից թեթև բա՞ն: Ես ուզում էի ասել «Արտավազդին փոխեք իմ 7-րդի հետ», ես արդեն-արդեն ասում էի, բայց տեսա, որ դա հենց Մադաթի ուզածն է: Իսկ նա չէր թաքցնում, որ իր ուզածն այդ է:

Նրա հայացքն ու կեցվածքը բաց անամոթությամբ ասում էին, որ ինքը կհաղթի ինձ, իր ջոկատը կհաղթի իմ ջոկատին, որ դասարանի ամենաթույլ վագոդին նա այդպես կպարտադրի ինձ և ահա այդպես, կեղտոտ ձյունը գոռով բերան խցկելու պես, իմ բերանը կխցկի իր հաղթանակը:

Ես ի՞նչ, ասացի ես:

Արտավագդին եթե բերենք քո խո՞ւմբ:

Օրինակ, էդ ինչո՞ւ եք փոխում, փնթփնթացի ես, ոնց որ է՝ թող էնպես էլ մնա:

Նա շնչաց.

Զգա՛ստ: Սա ձեր տունը չէ, ես էլ քո մայրը չեմ:

«Ոչ էլ հորաքույրը», մտածեցի ես, այնինչ, նա ինձնից սպասում էր ավելի լրիվ ու որոշակի պատասխան:

Թույլ է, չի կարող վագել, ասացի ես:

Դ-ա, իհա՛րկե, ստորություն էր, բայց ես ինչպե՞ս լինեի միաժամանակ և՛ վրեժխնդիր, և՛ մաքուր:

Քիչ առաջ դու համաձայն էիր, ասաց ուսուցչուհին:

Ես նրան ինչպե՞ս բացատրեի, թե քիչ առաջ ինչու էի համաձայն և ինչու համաձայն չեմ հիմա:

Հիմա համաձայն չեմ, ասացի ես:

Ինչո՞ւ:

Այդպես է, ասացի ես և ինձ դուր չեկա: Չսիրվելը ծանր բան է, ես հայացքս փախցրի:

Ուսուցչուհու տան ու ցանկապատի մոտ ճանապարհի ոլորանը թեքվել ու հոգնած գալիս էին բոլորը՝ իբր թե հաղթած յոթերորդյինները, իբր թե պարտված ութերորդյինները: Կարծես ծերունիներ լինեին, բոլորը մի տեսակ ծավլած էին: Փայտե հրացանները քարշ էին տալիս: Ոմանք ձյուն էին լիզում: Ալարում էին խոսել: Ամեն վայրկյան կարող էին վար թափվել ու քնել:

Կամ եթե ուզում եք, ասացի ես, թող Արտավագդը մեր խումբ գա:

Իսկ հիմա համաձայն ես, ասաց ուսուցչուհին:

Ես գլուխս կախեցի:

Ինչո՞ւ ես համաձայն:

Համաձայն է,– ասաց Մադաթը:

Քեզ խոսք չի հասնում, դու լռիր, շնչաց ուսուցչուհին: Ինչո՞ւ ես համաձայն:

Համաձայն եմ, որովհետև վագրից հեշտ բա՞ն:

Նա տխրեց:

Այո, մտամոլոր շնչաց նա, վագրից հեշտ...

Հեղեղը սլանում է, քամին սարում է, բազեն ճախրում է, խլածաղկի փրփուրը թափառում է, թևերն ուղղած՝ լորենու սերմը քամու հետ թռչո՞ւմ, թռչում է ամեն ինչ գնում է, ամեն ինչ ճախրում է... վագրից հեշտ բան:

Արտավագդ, տխուր ասաց նա, տեղդ վերջինի հետ փոխիր:

Տրեխավոր ոտքերի մեր քայլից մի քիչ ձայն այնուամենայնիվ ելնում էր, իսկ սա տեղն այնքան անաղմուկ փոխեց, որ ես կարծեցի ուսուցչուհու կարգադրությունը չի լսել, ես շուտ եկա նրան ասելու, որ, այո, դա այդպես է, ես նրան ընկերաբար հրավիրում եմ, այնինչ նրա լոկի գոյությունը հիմա իմ շարքում էր:

Առաջին շարք, գետն ի վեր մինչև Տաք աղբյուր՝ վա՛գ-քո՛վ: Այնտեղ ծաղկած ո՛ւտենի կա, յուրաքանչյուրը բերում է ծաղկած ուտենու մի ճյուղ: Երկրորդ շարք...

Մինչ նա կմտածեր մեր առաջադրանքը՝ նրանք ձորակն անցան ու դուրս եկան Կենտ կաղնու գառիվերը: Իմ սրունքները պրկվեցին ու սկսեցին դալալ: Թույլ տար վագեինք նույն ճանապարհով, մի վայրկյանում հասնեինք նրանց, անցնեինք՝ մինչև ծաղկած ուտենի:

Երկրորդ շարք, գետն ի վար մինչև Սղոցարաններ ու ետ՝ վա՛գ-քո՛վ:

Յուրաքանչյուրը բերում է մի բուռ թեփ:

Ես դեռ մտածում էի գետն ի վեր ծաղկած ուտենուն հասնելու մասին, ես ոչ մի կերպ չէի կարողանում անցնելիք ճանապարհին սղոցարան հիշել:

Հրամանը կրկնիր:

Բայց, կրկնելուց առաջ, ես պետք է հասկանայի հրամանը: Ես ապուշի պես նայեցի նրան: Թե՞փ, հարցրի ես:

Թեփ:

Ես դարձյալ չհասկացա: Բայց ես այնքան էլ մեղավոր չէի. աղջիկներն այդտեղ կանգնած էին, ինչ որ բերեինք՝ ինձ թվում էր տալու էինք աղջիկներին: Նրանց խումբը ուտենու ծաղկած ճյուղ էր բերելու, իսկ մենք՝ թե՞փ:

Թե՞փ, ասացի ես:

Երկրորդ շարք, գետն ի վար, հատ-հատ ասաց նա, մինչև Սղոցարաններ ու ետ՝ վագքով: Յուրաքանչյուրը բերում է մի բուռ թե՛փ:

Այս անգամ ինձ թվաց, թե ես կաղնու կեղև եմ շալակելու, իմ գոտկատեղը հարվելու է, այսինքն՝ քերծվելու, քերծվածքը նորից քերծվելու ու մրմռալու է

քրտինքից:

Լսում եմ: Գետն ի վար վազքով մինչև Սղոցարաններ ու վազքով ետ: Թույլ տվեք
կատարել հրամանը:

Սղոցարաններից բերելով մեկական բուռ թեփ:

Այո, ասացի ես:

Կրկնիր:

Դա, ճիշտն ասած, բերանդ գոռով թեփ լցնելու նման էր: Ես տհաճությամբ
կրկնեցի.

Սղոցարաններից պետք է բերենք յուրաքանչյուրս մի բուռ թեփ:

Այո: Վազքով:

Մենք պոկվեցինք: Մենք թռանք, բայց իմ անունը տվեցին: Ուսուցչուհին ինձ ետ
կանչեց: Իմ վազքը փչացնում էին, ես ետ դարձա վիրավորված ոչ միայն թեփի
համար: Ուսուցչուհին ընդառաջ էր գալիս և ուշադիր, մի տեսակ շատ ուշադիր
գննում էր ինձ:

Ձեզ չչարչարեք և իրար չչարչարեք, ցածր ասաց նա:

Լսում եմ:

Նա ժպտաց.

Լսիր, է, սա հրաման չի, ցածր ասաց նա. արագ չգնաք, հանգիստ գնացեք,
հանգիստ եկեք:

Մադաթենք արագ գնացին:

Նրանք արագ գնացին, ասաց նա, դուք հանգիստ գնացեք:

Լսում եմ:

Կարճ ճանապարհով, ձյունների միջով, դպրոցի այգով, ցանկապատի վրայից
ցատկելով՝ ես հասա իմ խմբին:

Տղերք... ես նրանց ասելու էի, թե ով է եղել գեներալ Մադաթովը և ինչ եմ դրել
Մադաթի անունը, Օտարը, սակայն, այդ պահին, երբ ես հասա նրանց, ընկավ:
Ոտքի տակ սառույց չկար, ոտքերը մի տեսակ խճճվեցին, ու ընկավ: Ես ուզում էի
դժգոհել, բայց նա մեղավորի պես գլուխը կախեց:

Ոչինչ, ասացի ես, ցավե՞ց:

Ընդհակառակը, սրամտեցին:

Ոտքիդ տակ սառույց չկար, ասացի ես:

Չկար, ցածր՝ մրջյունի ձայնով ասաց նա:

Մի խոսիր, ասացի ես, միայն քթով շնչիր:

Քթով եմ շնչում, ցածր՝ մրջյունի ձայնով, այսինքն՝ ինչպես մրջյուններն են խոսում իրար հետ, ասաց նա:

Վագրից հեշտ բան, ասացի ես:

Կվագեմ, շնչաց նա:

Գիտեմ, որ կվագես, ասացի ես, միայն քթով շնչիր: Եթե քթով շնչես՝ կոկորդո կշորանա ու բերանդ կդառնանա:

Բերանս հիմա... դառը չի, շնչաց նա:

Մենք դուրս եկանք գետափնյա ուղիղ ճանապարհ ու թափով գնացինք: Քամին սկսեց սուլել իմ ականջների մեջ: Օտարի կարմիր վերնաշապիկը երեւում ու կորչում, երեւում ու կորչում էր իմ ուսի վրայով իմ աչքի անկյունում: Մտնում էր իմ աչքի անկյուն, մի քիչ գալիս էր ինձ հետ ու չքանում էր իմ ուսի ետևում: Ես հասկացա, որ նա ճգնում է, ինքն իրենից ելնում է առաջ անցնել կամ վագել ինձ հետ ուս-ուսի: Ես տեսա նրա լարված դեմքը և սեղմված բաց ատամները: Նա, այո, ուզում էր ինքը իր մարմնից դուրս թռչել, բայց ինձ համար հաճելի էր լինել նրանից թեկուզ երկու քայլ, թեկուզ կես քայլ առաջ:

Այ տղա, այ տղա, այ տղա, կանչեցին: Այ տղա, էդ ի՞նչ եք անում, կանչեց մի ծերունական մաշված ձայն: Սարգիս կծան պապն էր՝ իմ պապի եղբայրը, կովը ջրելու էր բերել: Կովը լղար էր, մեջը ուժ չկար մեզնից խրտնելու: Պոչը բռնած, որպեսզի կովը չընկնի, թե՞ ինքը չընկնի, պապը ծիծաղեց մեր վագրի վրա. էդ ի՞նչ եք անում, այտա, էդպես թփթփալով գնում եք, Գերմանիան հանկարծ կխրտնի ձորը կընկնի: Պապը ձեռնափայտով կտրեց մեր ճանապարհը՝ իբր թե ահա այդպես ինքը մեզ թող չի անի անկարծ խրտնեցնել Գերմանիային, և ինձ բռնեց: Ես բռնվեցի, որովհետև եթե քաշքշվեի՝ պապը թույլ էր, կընկներ: Նա չարչարվում ու չարչարվում էր կծել իմ այտը, բայց թե իմ դեմքին միս չկար և պապի միակ ատամը չէր բռնում:

Կծան պապը ժենը կորցրել է, էլ կարում չի կծի, ծերունու իր պղտոր ձայնով ասաց նա:

Ես դուրս սահեցի նրա ոսկրոտ գրկից և հեռանալուց հետո սրբեցի դեմքս, բայց այդ ամբողջ վագրի ժամանակ ես հիշում էի, որ ինձ սիրել են, որ ինձ սիրում են, որ իր չոր թույլ մարմնից պապն ինձ համար սեր է հանել. իմ դեմքը հիշում էր նրա մորուքի փափկությունը, իմ ականջի մեջ անընդհատ կար նրա աղտոր ձայնը, ես հիշում էի նրան, որը իրեն, իբր երեխաներիս անունից, կծան պապ էր ասում, իր մի կենտ ատամին ժանիք՝ ժեն էր ասում:

Մենավոր խաչքարի մոտ ես հասա իմ խմբին, Օտարի հետ ուս-ուսի մի քիչ գնացի և սկսեցի կամաց-կամաց նրան ետ թողնել: Նա չէր ուզում ետ մնալ ինձնից, նա ուզում էր գալ ինձ հետ ուս-ուսի, միշտ՝ ուս-ուսի, դրա համար նա իր նիհար կուրծքը, ինչպես կարճ վագրի ժամանակ են անում, առաջ էր նետում, կծկվում էր իր մեջ և դարձյալ դուրս էր նետվում ինքն իր միջից, նրա դեմքը ձգվել ու կիսաբաց ատամները սեղմվել էին, բայց նա ետ մնաց, նրա կարմիր վերնաշապիկը իմ աչքի անկյունից իմ ուսի վրայով դանդաղ ետ սահեց: Հիմա ես խմբի կենտրոնում էի: Թափ-թափ-թափ-թափ-թափ-թափ-թափ-թափ-թափ-թափ-թափ-թափ-թափ-թափ-թափ-թափ-թափ-թափ-թափ-թափ... Իմ մարմինը լեցուն էր հրճվանքով, ուրախությունից իմ սիրտը դուրս էր թռչում, ես ուզում էի ծղրտալ: Վագրը իմ մարմնի պահանջն էր, ինչպես որ թևերի պահանջը ճախրն է: Ես կարող էի այդպես արագանալ, արագանալ, արագանալ, պոկվել գետնից ու... Ես ծղրտոցով ետ թողեցի դարձյալ մեկին: Իմ ծղրտոցի վրա առջևից վագրողը ետ նայեց: Ես հավասարվեցի նրան, մենք գնացինք ուս-ուսի: «Կներես, բայց քեզ ետ են թողնելու», ես արագացա, արագացա, արագացա, ես կարծեցի նրան արդեն ետ են թողել, թափ-թափ-թափ-թափ-թափ-թափ-թափ-թափ-թափ-թափ-թափ-թափ-թափ-թափ-թափ-թափ-թափ-թափ-թափ-թափ, ես ինձ ասացի, թե նրա ոտնաձայնն արդեն լսում եմ իմ ետևից, նա, սակայն, գալիս էր ինձ հետ ուս-ուսի և դեռ մի քիչ էլ առաջ, շեղակիորեն երևում էր նրա մեջքը: Մեջքը, ապա, երևաց դեմ առ դեմ և սկսեց դանդաղ, սանտիմ առ սանտիմ, բայց անընդհատ հեռանալ: Նա իմ խմբի 4 6 8 10 12-ից մեկն էր, նա մի սովորական № էր, նա ինչո՞ւ էր ինձ ետ թողնելու. ես կծկվեցի, մտա ինքս իմ մեջ ու դուրս շարժվեցի իմ միջից. ես այնպես էի վագում, ինչպես թռչում են կարճ վագրի վերջին քայլերը, ես կծկվում ու բացվում, կծկվում ու բացվում էի, թվում էր, թե հիմա ես կպատռվեմ, բայց միևնույն է՝ նա հեռանում ու հեռանում էր: Եվ ինձ մի պահ թվաց, թե նրա փոխարեն այդպես ես եմ հեռանում, և իմ փոխարեն այդպես լարվում, ճաքում ու չի հասնում, լարվում ու ետ է մնում Արտավագողը, և իմ կրծքի տակ նրա սիրտն է այդպես նեղվում, և իմ տակ նրա ծնկներն են ծալվում:

Ես դանդաղեցի, «խմբի ղեկավարը կարող է նաև վերջից գնալ, որպեսզի ոչ ոքի չթողնի մնալ ճանապարհին», առաջ թողեցի մեկին, երկրորդին, երրորդին, չորրորդին, թույլ տվեցի, որ կարմիր վերնաշապիկը հավասարվի և գա ինձ հետ ուս-ուսի, և

հարցրի.

Ո՞նց ես:

Նա շնչաց.

Լավ եմ:

Թեփ ենք բերելու, ասացի ես:

Նա շնչաց.

Թեփ ենք բերելու:

Հո մի տեսա՞կ չես, հարցրի ես:

Նա չպատասխանեց, հետո նա շնչաց.

Որ հավասար ենք գնում՝ էլ մի տեսակ չեմ լինում:

Ինչքա՞ն կլինենք եկած, կե՞սք, ասացի ես:

Քիչ է մնում, շնչաց նա:

Քի՞չ: Դու Սղոցարանների տեղը չգիտե՞ս:

Մերըս մի անգամ ուղարկում էր, շնչաց նա, հերըս չթողեց:

Իսկի կեսն էլ չենք եկել, ասացի ես:

Նա շնչաց.

Ես ինձ ասում եմ... քիչ է մնացել... հիմա հասնում ենք:

Չէ, շատը դեռ մնում է, Սղոցարանից կաղնու... Ես հասկացա ու հարցրի. Քեզ վա՞տ ես գգում:

Կոկորդը երևի չորանում էր, նա թուրք կուլ տվեց ու շնչաց.

Որ միասին ենք գնում...

Մադաթի անունը դրել եմ գեներալ Մադաթով, ասացի ես: Մի քիչ արագացնենք:

Այդտեղ ինձ թվաց, թե ես ուզում եմ, սակայն ամեն անգամ մոռանում եմ ասել շատ կարևոր մի բան, հուզիչ մի բան: Նա հավասարվեց ինձ, և ես հասկացա, թե ինչ եմ մոռանում:

Մենք միշտ միասին կլինենք, ասացի ես:

Բայց դա անհնար էր: Ես դանդաղում էի՝ նա դանդաղում էր, ես արագանում էի՝ նա ետ էր մնում, և ես դարձյալ դանդաղում էի: Իսկ մերոնք արդեն անցնում էին Փշակ կաղնու ոլորանը: Ես այդպես ինչքան դանդաղեի՝ նա կդանդաղեր, մինչև վերջնական կանգառ: Ջրվեժն, այո, քարից թռչում է, արծիվն, այո, ճախրում է, կանաչ արտն, այո, գեփյուղի հետ գնում է, ամեն ինչ շարժվում է, ամեն ինչ հրճվում է, ձյունը ցուլցում ու խաղում է արևի մեջ... Բայց Սարգիս պապը հագիվ կանգնած էր, իսկ նրա կովն ալարեց խրտնել:

Էս ի՞նչ է, շնչաց նա, լավ չեմ տեսնում:

Ձյուն ու արև:

Ի՞նչ արև է, շնչաց նա:

Աչքերդ կկոցիր:

Իր գեղեցիկ գլուխը նա ետ էր գցել ու գալիս էր՝ դեմքը արևին պարզած:

Խա՞ղ ես անում, ասացի ես: Հո արևածաղիկ չես:

Նա հավասարվեց ինձ:

Արև է, բայց լավ չենք վագում, ասացի ես:

Նա շնչաց.

Քիչ է մնացել, չէ՞:

Վո՛ւյ, վո՛ւյ, վո՛ւյ, վո՛ւյ, լսեցի ես:

Արևի մեջ ճամփեզրի քարերին նստոտել էին կանայք՝ մեր մայրերը, և կարմրած, արևածաղիկների խմբի պես բոլորը միասին, դեմքերը մեզ էին դարձրել: Էս երեխեքին էդ աղջիկն էս ինչո՞ւ է վագեցնում, ասացին նրանք:

Իսկ իրե՞նց ինչու էին վագեցնում: Նրանցից մեկը հակագագը գլխից չէր հանել:

Նրանց դեմքերը հակագագի ռետինն նեղվածքում ու քայլքի շոգից էին այդպես կարմրել, թե չէ՝ նրանք մեզնից էլ գունատ էին:

Թեփի, նետեցի ես:

Իմ թեփը ձեզ տամ՝ ետ դարձեք, ասացին նրանք:

Մենք անցանք:

Տո ես դրա թեփի գլուխը հողեմ, Էս երեխեքը բա մե՞ղք չեն...

Մեղքը, սակայն, իրենք էին. իրենք էին, ջրով, լվանալու մեր ոտքերը. իրենք էին տրորելու, տաք ջրով, մեր ծնկները, հետո մենք չէինք տաք ջրով տրորելու նրանց ոտած ոտքերը:

Բերանդ փակիր, ասացի ես, քթով շնչիր:

Նա փակեց, բայց քիչ հետո, երբ ես նայեցի, նա շնչում էր լրիվ բաց բերանով:

Քթով շնչիր:

Որ քթով եմ շնչում, օդը... շնչաց նա:

Օդը ի՞նչ:

Դառն է: նա եկավ դիպավ ինձ ու դարձյալ ետ մնաց:

Էդ շորդ նորից կլվանաք, ասացի Ես:

Լվացել է, տառերը չեն անցնում:

Մադաթի անունը Թուրք... Մադաթի անունը գեներալ Մադաթով եմ դրել, ասացի

ես:

Նրանց տեղը հիմա դժվար է, բարձրանում են, շնչաց նա: Նրանք հիմա կանգնել են, չեն կարողանում:

Դժվարը մեզ համար վերադարձին է լինելու:

Նրանցը հիմա է դժվար, շնչաց նա:

Նրանք, ուռենու ծաղկած ճյուղ են բերելու:

Նրանց տեղը հիմա դժվար է, շնչաց նա, Մադաթի սիրտը հիմա խառնում է:

Քո սիրտը խառնո՞ւմ է:

Մեր տեղը ուղիղ է, մենք իջնում ենք, շնչաց նա: Նրանք հիմա բարձրանում են:

Նրանք հիմա ետ են գալիս, ասացի ես, ուռենու ծաղկած ճյուղեր են բերում, իսկ մենք թեփ ենք տանելու:

Թեփ ենք տանելու:

Թեփ ինչու ենք տանելու, գիտե՞ս:

Զգիտեմ, ասաց նա, ուսուցչուհին ասել է կբերեք:

Որպեսզի ինքը տեսնի, որ հասել ենք Սղոցարան: Թեփը դրա համար է:

Որպեսզի մինչև Սղոցարաններ անպայման վազենք: Ծաղկած ճյուղն էլ դրա համար է:

Նրանց օդը հիմա դառն է, ասաց նա, Մադաթի սիրտը հիմա խառնում է: Նա եկավ, գլխով դիպավ ինձ, կարծես ուզում էր ինձնից կառչել, բայց դարձյալ ետ մնաց:

Իզուր, ասացի ես, կանանց թեփից դու պիտի վերցնեիր ու ետ դառնայիր: Լսո՞ւմ ես, ետ դարձիր, կանանցից թեփ վերցրու ու գնա, մենք կգանք կհասնենք:

Նա կողքի-կողքի գնաց, ճանապարհից դուրս ընկավ ու եկավ դիպավ ինձ, հորթը կարծես հարու էր տալիս:

Ետ դարձիր, կանանցից թեփ վերցրու, գնա. մենք կգանք կհասնենք, չե՞ս լսում:

Նա կարծես ինքը չէր գալիս, նրա մեջ կարծես գալիս էր մեկ ուրիշը, որ չէր ենթարկվում նրան: Այդ մեկ ուրիշը նրան հրում ու հրում էր ճանապարհից դուրս, իսկ նա այդ մեկ ուրիշին, գոռով, ետ էր հրում դեպի ճանապարհ:

Կանգնիր, ետ դարձիր:

Ես կանգ առա ու շուտ եկա նա կանգնեց ու օրորվեց: Նա դանդաղ բարձրացրեց իր գեղեցիկ գլուխը: Նրա աչքերը պղտոր էին:

Ետ դարձիր, կանանցից թեփ վերցրու...

Նրա հայացքը շաղկած էր, նրա միջից կարծես նայում էր հիվանդ հորթը, որը չի

հասկանում, թե ինչ են ուզում իրենից և ինչու չեն թողնում հանգիստ մեռնել:

Խուլ է, շնչաց նա, խո՛ւլ, խուլ է, կարծես ջրի տակ լինի:

Ես սպասեցի նրա դառնալուն, բայց նա միայն օրորվում ու պղտոր հայացքով նայում էր: Ես նրան ետ դարձրի ու հրեցի դեպի գյուղ: Նա չէր դիմադրում, ինձ թվաց, թե նա համաձայն է, վերադառնում է:

Հիմա դպրո՞ց ենք գնում, շնչաց նա:

Դու ես գնում, ես վազում եմ Սողոմարաններ, ես քեզ համար թեփ կբերեմ:

Դուք բոլորդ վազում եք, շնչաց նա:

Զայրույթից ու լացից իմ բուկը նեղացավ:

Ուշանում եմ, ասացի ես, ուշանում եմ, քո պատճառով ուշանում եմ, տղերքը հիմա Սողոմարաններում են:

Դուք բոլորդ վազում եք... Նա կնճռտվեց: Նա ուժ չունեի հեկեկալու, նա սկսեց լուռ արտասվել: Դուք բոլորդ վազում եք, դու վազում ես...

Լացն սկսեց ինձ խեղդել:

Իմ փոխարեն դո՞ւ ես լաց լինում, պայթեցի ես, քո պատճառով Էսքան ուշացա:

Դե արի միասին ետ դառնանք, խուլ, ինչպես որ ձկներն են խոսում ջրերի տակ, շնչաց նա, ես ու դու միասին ետ դառնանք:

Ես ինչո՞ւ ետ դառնամ, ես կարողանում եմ՝ վազում եմ:

Դուք բոլորդ վազում եք...

Ես քո հերն ու մե՞րն եմ, ինչո՞ւ ես ինձ մոտ լաց լինում, գնա քո հորումոր մոտ լաց եղիր: Ես նրան հրում էի դեպի գյուղ, իսկ նա շնչում էր.

Միասին ետ դառնանք... երկուսով... ես ու դու...

Ճանապարհը քեզ չի ուտի, ճանապարհին գայլ չկա, գնա:

Ոչ, կտրուկ ասաց նա:

Բա ի՞նչ:

Նա դանդաղ բարձրացրեց իր գեղեցիկ գլուխը և պղտոր խոշոր աչքերը հառեց ինձ:

Ի՞նչ ես ասում, կրկնեցի ես, գիտես, որ գայլ չկա, ինչո՞ւ չես մենակ ետ գնում:

Ադամախնձորը նրա բարակ վզին դանդաղ բարձրացավ, մնաց ու դանդաղ իջավ: Պիտի ասեն... նա հայացքը խոնարհեց:

Ի՞նչ պիտի ասեն:

Ասելու են, շնչաց նա, ասելու են. «Բոլորը տեղ են հասել, ճամփի կեսից միայն Օտարն է ետ եկել»: Բոլորը, բոլորը վազում են, միայն ես չեմ...

Դու ուզում ես... Սակայն իմ կոկորդը խցվեց: Եվ որպեսզի լաց չլինեմ, և որովհետև նա ճիշտ էր, և որովհետև ուշանում էի, ուշանում էի, վայրկյան վայրկյանի ետևից ուշանում էի, և որովհետև ոչինչ, ոչինչ անել չէի կարող, ես հրեցի նրան. Դե գնա՛:

Նա ընկավ, և ես վազեցի:

Էդպես նստած մնա, ուսիս վրայով նետեցի ես, քո մի բուռ թեփր ես կբերեմ:

Սակայն նա ելել ու ճոճվելով գալիս էր: Ես կանգ ասա, որպեսզի երբ ինձ հասնի՝ նրան ծեծեմ, բայց նա չհասավ ինձ. նրա ոտքերը խառնվեցին, նա ընկավ: Ապուշ, ծղրտացի ես: Իսկ նա չորեքթաթվել էր ու, այդպես չորեքթաթված, դանդաղ բարձրացնում էր հորթի իր գեղեցիկ գլուխը: Իմ մեջ նա այդպես տպավորվեց: Ես փախա: Ես վախենում էի ետ նայել: Ես վախենում էի նորից տեսնել նրա ճոճուն ընթացքն ու անկումը: Ես հեռանում ու հեռանում էի: Ես ինձ ասում էի, թե ահագին ճանապարհ ենք կտրել՝ իմ վազքը հիմա ծանր է այդ պատճառով, թե մենակ եմ գնում՝ իմ վազքը ծանր է մենակությունից, ես ինձ խաբում էի, թե իմ վազքը բոլորովին էլ ծանր չէ, ես համարյա թե սլանում եմ, քամին համարյա թե աղմկում է իմ ականջների մեջ: Ես զգում էի, որ տհաճ մի բան է եղել, և կարծում էի իմ վազքն ինձ հեռացնում է տհաճ այդ բանից: Ես ինձ ասում էի՝ արագ, արագ, արագ... ուսուցչուհին քեզ հանձնարարել է, և գնում ես թեփի... դու ուրիշ հանձնարարություն չունես, քո առաջադրանքը թեփն է, արագ, արագ, արագ... տհաճ մի բան, այո, եղել է, բայց արդեն եղել է, հեռու, հեռու, հեռու... իսկ ով չի կարողանում՝ թող չվազի:

Ես դանդաղեցի: Ես դանդաղել էի ետ դառնալու մտադրությամբ, բայց այդքան ծանր վազքով անցած իմ ճանապարհը ես ափսոսացի և ինձ ասացի, թե դանդաղել եմ գառիվերի պատճառով: Զառիվերից հետո ճանապարհն իջնում էր, հարկավոր էր միայն չընկնել, և ճանապարհն ինքը իջեցնում էր, բայց իմ վազքը ծանրացավ, ծանրացավ...

... և հիմա կանգ եմ առել ու քեզ պատմում եմ իմ ցավող խղճի պատմությունը:

Անցել է քսանհինգ տարի: Դատավորը հանցագործին ասում է. քո ահա այս ու այս չարագործությունների դեմ դու դատարանից ի՞նչ ես խնդրում՝ մա՞հ թե քսանհինգ տարվա բանտարկություն, և չարագործը մտածում ու ասում է. «մահ թե քսանհինգ տարվա՞... բայց մի՞թե դրանք նույն բանը չեն»:

Ես հանցանք, ոչ, չեմ գործել, դատարանում ինձ այդպիսի հարց, ոչ, չեն տվել, ես պարզապես ուզում էի ասել, որ քսանհինգ տարին մահվան հավասար

Ժամանակ է, ամեն ինչ մահացնում, ամեն ինչ մաշում, ամեն ինչ փոխում է. հին խիստ ուսուցչուհին աչքերը կկոցում, նորից է կկոցում ու քեզ ասում է. «Չէ, չճանաչեցի... ակնոցս մոտս չի... ակնոցս կորցրել եմ, ներեցեք, չճանաչեցի», նայում, նայում ու չես հասկանում, թե կանանց մարած այս աչքերի մասին ինչու ես ասել՝ «խաժ աչքերի բույլ», խաժն ուրեմն նրանց աչքերից նայել է միայն մի օր, ապա թռել, գնացել է նայելու հիմա էլ ուրիշ աղջիկների աչքերից: Ամեն ինչ խամրում է, ամեն ինչ փոխվում է... Չի փոխվում, չի մոռացվում, քո մեջ չի խամրում միայն այն, ինչը որ քեզ հետ քո մանկության ժամանակ է եղել, ինչը որ դու ես արել: Եվ եթե պատահել է, որ խմբի հետ վազել ես՝ քո մեջ հավիտյան թպրտալու է, տագնապահար թռչունի գիշերային թևաբախման պես, ձեր ոտքերի դոփդոփումը թափ-թափ-թափ-թափ-թափ թփա-թփա-թփա-թփա... և եթե դու քո ընկերոջը թեփի հետ փոխել ես... այո վագրի քո ընկերոջը փոխել ես թեփի հետ, այսինքն՝ նրան թողել ես չորեքթաթված քո ետևից նայելիս, մի՛ կարծիր, թե ահա այս գառիվերը կանցնես, քո վագրը կհեշտանա, էլ ետ չես նայի ու չես տեսնի նրան չորեքթաթված, խոշոր աչքերի շաղված հայացքը բարձրացնելիս: Ետ չես նայի՝ բայց նա քո դեմ կլինի, արագ կգնաս՝ բայց քո վագրը կլինի ծանր ու անթև: Մագութի մեջ թաթախված թռչունի նման՝ քո խիղճը կնվա, կնվա ու չի կարողանա ճախրել:

Սղոցարաններից սայլով տախտակ էին բերում: Սայլապանը Բադալենց Դառը պապն էր: Ես մի կողմ քաշվեցի սայլին ճանապարհ տալու և մի քիչ ուրախացա: Ավագ պապի,- ասացի ես,- Դարբինյան Արսեն պապի թողը չկարեցավ գալ, մնաց ճամփին, համոզիր, քեզ հետ ետ տար, էլի:

Դու ո՞ւմ տղեն ես, հարցրեց նա:

Նա այնքան մեծ էր, որ իմ հորն էլ չէր ճանաչի:

Ավետիք պապի թոռն եմ, ասացի ես:

Եզները լղար էին, տախտակը թարմ ու ծանր էր, եզները սայլը դժվար էին քաշում: Անիվը դեմ առավ քարի:

Տո շան տղա, ասաց նա ինձ և ճիպտեց եզանը, քու հրնկերոջը ճամփին դու ես թողել, ի՞նձ ես ասում ետ տար:

Ճիպտելու հետ՝ եզը լարվեց ու քարից անցրեց անիվը: Սայլն անցավ:

Սայլն անցավ, ճանապարհն այլևս բաց էր, բայց ես չէի կարողանում պոկվել իմ կանգնած տեղից: Սրտիս զարկերը խլացան, և հիմա խոր լռություն էր: Կոճղերն

անշարժ էին, ձյունը խաղաղ առկայծում էր, ձյունների մեջ ես անշարժ էի: Ես գգում էի ծանոթ մի բանի ներկայություն, և ինձ թվում էր՝ իմ շալակին կաղնու կեղև կա, և բեռան տակ եփվում եմ ձյան մեջ ու ինքս իմ մեջ: Ճիպտելու ձայն եկավ, որևէ տեղ եզ էր լարվում, ինքն իր շուրջը անիվ էր պտտվում, ոտքեր էին դոփում, իսկ ես կանգնած էի կոճղերի մեջ: Ես մտա ճանապարհ ու հասկացա, որ այդքան ժամանակ կանգնած եմ եղել տախտակի ու թեփի հոտի մեջ, և կարծես դարձյալ կեղև էի շալակելու:

Ես արդեն վազում էի, բայց առաջին պահին չէի հասկանում, թե դեպի ուր եմ վազում: Վազում էի, իհարկե, դեպի Սդոցարան, ես ինձ ասացի, որ վազում եմ դեպի Սդոցարան, բայց ինձ թվում էր դեպի գյուղ եմ վազում, և իմ դեմ ընկած է, պղտոր իր հայացքը բարձրացնում է Արտավազը: Ես, սակայն, դեպի գյուղ չէի վազում, ես վազում էի Սդոցարաններ՝ թեփի:

Սդոցարաններից վերև, ճանապարհի ոլորանում երևացին տղաների բարալիկ սև կերպարանքները: Ես կարող էի կարճ ճանապարհով, ձյունների միջով, սառած գետն անցնելով Սդոցարաններ հասնել տղաներից մի քիչ շուտ, բայց ես ուզում էի խառնվել նրանց, կորչել նրանց մեջ, լինել նրանցից մեկը: Սդոցարանների մոտ ես հասա նրանց ու գնացի նրանց մեջ:

Օտարը չկարողացավ, ասացին նրանք:

Չկարողացավ, ասացի ես: Ես չհամարձակվեցի ասել. «Դու ես օտար», ես միայն պատասխանեցի՝ «չկարողացավ»:

Հիտլեր կապուտ, ասացին նրանք գերի ռումիններին:

Հիտլեր կապուտ, որպես նրանցից մեկը՝ ասացի ես գերի ռումիններին, որոնք փաթաթում էին իրենց ընկերոջ ոտքը: Նրանք շուտ էին եկել և տխուր ժպտալով նայում էին նիհար այդ տղաներին, որոնք իրենց բարևը տալիս էին իրենց իմացած օտար միակ բառով՝ «կապուտ», կռանում, իրենց ոսկրուտ բռով մեկ թեփ էին առնում և ետ էին վազում՝ ոսկրուտ փոքրիկ բռունցքները պինդ սեղմած:

Գերիների հսկիչը, երբ ես աջ բռով վերցնելուց հետո վերցրի նաև ձախ բռով ծաղրեց.

Ծոցդ էլ լցրու, ծոցդ էլ:

Ես շարտեցի երկու բռիս թեփն էլ, դարձա՝ ետ վազելու, բայց ասացի հսկիչին.

Իսկ դու ի՞նչ գիտես ինչի համար եմ վերցնում:

Չգիտեմ, սաաց նա:

Դե որ չգիտես՝ մի՛ ծիծաղիր:

Ընկերդ ճամփին նստել է ծխելու, քեզ ասել է մի բոռ թեփ էլ ինձ համար կբերես, ասաց նա:

Ո՛չ, ճշացի ես:

Դասատվիդ կասեմ՝ կստուգի:

Ասա: Ես կտրուկ կռացա, վերցրի նախ ձախ ձեռքով՝ Արտավազդի համար մի լիքը բոռ, ապա աջ ձեռքով՝ ինձ համար մի լիքը բոռ թեփ, և բռնեցրեց սեղմած վագրի: Քիչ հետո ես մտածեցի, որ Արտավազդին կտամ հենց աջ բռնա թեփը. բարևելու պես կպարզեմ իմ աջը. ահա, քեզ համար եմ բերել, վերցրու քո թեփը:

Քանի՞ բոռ թեփ ես վերցրել,– խմբի մեջ հարցրի ես:

Մի, քանի՞:

Արտավազդի համար չե՞ս վերցրել, հարցրի ես:

Ո՞նց:

Արտավազդը ետ մնաց, Արտավազդի համար թեփ ե՞ս վերցրել:

Ինչո՞ւ էի վերցնելու:

Արտավազդը ետ մնաց, ասացի ես:

Չեմ վերցրել:

Ես վերցրել եմ, տամ քեզ՝ դու կտաս իրեն:

Ինչո՞ւ, դու վերցրել ես, դու էլ տուր:

Թե ես ինչու չէի կարող իմ աջը այդպես բարևելու պես պարզել Արտավազդին՝ ես չկարողացա նրանց բացատրել, որովհետև, ես ինքս էլ չէի հասկանում, թե ինչու չունեմ նրան այդպես եղբոր պես ձեռք պարզելու իրավունքը:

Նրանք հիմա որտե՞ղ կլինեն, հարցրի ես, արդեն գալի՞ս կլինեն:

Ծաղկած ուռենու մոտ կլինեն:

Նրանք ուռենու ճյուղ են բերելու, ասացի ես:

Մենք էլ թեփ ենք տանում:

Արտավազդի թեփը տամ քեզ՝ դու կտաս, իրեն, ասացի ես:

Դու վերցրել ես՝ դու էլ տար:

Կմեռնե՞ս, ասացի ես:

Էդ ինչո՞ւ դու չես տալիս:

Չէ, ասա, կմեռնե՞ս:

Իսկ դու կմեռնե՞ս:

Մի քիչ դանդաղ գնանք, ասացի ես, նրանք հիմա հագիվ հասնելիս լինեն ուռնուն:

Նրանք հիմա գնացել եկել են:

Իհարկե, Արտավազդը նրանց խմբում չի, ասացի ես:

Մեր խմբում էլ չի:

Եթե Դառը պապը վերցրած լինի... ասացի ես: Մի քիչ դանդաղ գնանք:

Չես կարողանում՝ մի՛ վագիր, ասացին:

Ես մի քիչ ուշ հասկացա, որ դա ասում են ոչ թե առհասարակ թույլերի ու Արտավազդի մասին, այլ ինձ են ասում:

Էդ ո՞վ չի կարողանում, ե՞ս չեմ կարողանում: Իմ ետեվից դե հիմա... Ես լարվեցի, «հասեքը» ես ասելու էի նրանց ետ թողնելուց հետո, ես լարվում ու լարվում էի, սակայն իմ լարումը ես չէի զգում, և ոչ էլ նրանք էին ետ մնում, որպեսզի հասկանայի, թե ես ահա լարվել ու նրանց ետ եմ թողնում, մի ինչ-որ դատարկություն, որպիսին քո մեջ զգում ես, երբ քեզ հարցնում են, օրինակ, լոգարիթմական քանոնի մասին, իմ մեջ ահա այդպիսի պարապություն էր, և չէի կարողանում լարվել:

Իսկ էդ ո՞վ էր, ասացի ես, Արտավազդի պատճառով մի ժամ ետ մնացել, բայց եկավ հասավ:

Դու, նետեցին:

Հա, ես:

Ինչ որ ճիշտ է՝ ճիշտ է, ասացին, Արտավազդի հետ դու ետ մնացիր:

Սղոցարանների մոտ եկա հասա:

Արտավազդը չեկավ, դու եկար:

Ես եկա, հասա:

Երկուսով ետ մնացիք, հետո դու եկար, Արտավազդը չեկավ:

Չեկավ, ես մեղավոր եմ, որ չեկավ:

Ո՞վ է ասում, որ դու մեղավոր ես:

Ես մեղավոր չեմ:

Դու մեղավոր չես:

Ընդհակառակը, ես նրա համար թեփ եմ վերցրել:

Թեփն ի՞նչ ես անելու:

Թեփը տալու եմ իրեն:

Ինչո՞ւ ես տալու:

Նրա համար եմ վերցրել, բա ի՞նչ անեմ:

Ի՞նչն ես նրա համար վերցրել:

Թեփը, ասացի ես, թեփը, թեփը: Թեփը նրա համար եմ վերցրել: Մի քիչ դանդաղ գնանք:

Կծան պապի պատճառով ո՞վ ետ մնաց, ասացի ես, հետո եկավ հասավ:

Նրանք ինձ չպատասխանեցին:

Էնտեղ էլ Կծան պապի պատճառով...

Նրանք ինձ չէին լսում: Նրանք հեռու էին և ավելի էին հեռանում: Համերաշխ, լուռ, կարծես անընդհատ նույն տեղում ու դանդաղ՝ նրանք շարժվում ու շարժվում էին. դա կարծես վագր չէր, վագրի ծաղր էր, առանց թևավորվելու ու առանց ձիավորվելու էլ կարելի էր մի քիչ լարվել, ոտքերին մի քիչ ուժ տալ ու հասնել նրանց... Ես չէի հավատում, որ իմ մեջ պարապություն է և չէի հավատում, որ նրանց արագությունը վագրի ծաղր չէ... Այնինչ, նրանք հեռանում ու հեռանում էին, և նրանց հետ հեռանում էր կյանքը, խնդությունը, վագրի հրճվանքը, խաժ աչքերի բույրը, մի քիչ հեգնոտ ու մի քիչ ծիծաղկոտ աչքերի բույրը, և ինձ հետ մնում էր վերջինը, թույլը լինելու ամոթը: Ես նախանձում էի նրանց, ես ատում էի նրանց ուսերի համերաշխ վերուվարումը, ես ատում էի անկենդանորեն համառ նրանց ընթացքը: Իմ պարապ գոյությունը նրանց ուժեղ խմբին հիմա կապված էր միայն նախանձով:

Դուք ինձ մենակ եք թողնում, շնչացի ես: Նրանց թիկունքներն անհաղորդ էին իմ նախանձին, նրանք գնում էին, անընդհատ, չդանդաղելով ու չարագանալով հեռանում էին, և երբ դարձյալ բարձրացրի հայացքս՝ նրանք չկային, ձյունն ու ճանապարհն էր, և ես կանգ առա:

Գնացիք:

Գլուխս կրծքիս, ճոճվելով, ես շնչացի.

Ոչինչ, գայլն ինձ չի ուտի:

Եվ ես տեսա, որ ոչնչով, այլևս ոչնչով կապված չեմ նրանց՝ ոչ նախանձով, ոչ էլ առաջինը կամ նրանց մեջ լինելու ցանկությամբ, որ այսպես լավ է ես եմ ու ճանապարհն է, ձյուն ու լուրջություն է, և լուռ ձյունների մեջ ամայի ճանապարհին միայն ես եմ, ուզենամ՝ կպտկեմ, ուզենամ՝ կշեղվեմ ու ձյունների միջով կտանեմ իմ պարապ գոյությունը այնտեղ, ուր հանձնարարված չէ գնալ, և ես ինքս էլ չգիտեմ:

Ես չհասկացա, թե այդ ինչպես էր եղել, որ դարձյալ վագրում էի և ոչ թե

պատկած-քնած էի: Ձյուն, ձյուն ու ձյուն էր, և կարծես թե ես նույն ձյան մեջ վազում էի նույն տեղում: Ես ուշքի էի գալիս, բայց դարձյալ չէի հասկանում՝ քնած եմ թե տրորում եմ նույն ձյունը: Մթնշաղի պես կարծես թե գատվում, կարծես թե հյուսվում էին իմ մեջ վազքն ու քունը: Ձյունը, ձյունը ու նույն ձյունն էր և ձյան մեջ նույն ձյունն էր և ձյան սպիտակի մեջ չկար ոչ-սպիտակ մի բան, որ ետ մնար, և ես ինձ ասեի, թե նա իմ դեմ էր, թե ահա իմ կողքին է, թե ահա ետ մնաց: Վազքը իհա՛րկե եղել էր. մենք շարվել էինք... մենք բաժանվել էինք երկու խմբի... հեռու բլրի ձյունների մեջ բարձր դասարանցիները «ուռա» էին կանչել... կարմրած կանայք նստոտել ու նայում էին... հետո մենք մեր ձեռքերը խրեցինք տաք թեփի մեջ... վազքը եղել էր վաղուց, երբևէ, եղել վերջացել էր և հիմա լինում էր վազքի երազը: Օտարը եկավ, ոտքերը չռած կանգնեց իմ դեմ, նայեց խոշոր աչքերի պղտոր հայացքով, և այդ էլ մի անգամ կարծես եղել էր, հիմա լինում էր դրա երազը:

Մորդ ասա էդ շապիկդ լվանա, ասացի ես և հասկացա, որ ինքս էլ նրա դեմ եմ կանգնած:

Նա թուքը կուլ տվեց ու հեալով շնչեց:

Քեզ համար թեփ եմ բերել:

Թեփ, շնչաց նա:

Թեփ եմ բերել, քո թեփը ես վերցրել եմ, ես քեզ չասաի՞, որ քո թեփը ես կբերեմ: Իմ թեփը կբերես, շնչաց նա: Նա վերցրեց իր մի բոռ թեփը իմ բոհց, նա ասաց «թեփ», բայց նա կարծես չէր հասկանում, թե ինչ է անում և ինչ է ասում, նա բռնեցքները սեղմեց կրծքին և լարվեց դեպի Սղոցարան: Ես գրկեցի նրան, ընկերոջ ու թույլի նրա մարմինն ինձ դուր եկավ, և ետ դարձրի ու վազեցի նրա կողքից, բայց մի բռնեց ես չէի հասկանում, թե ով է ում ետ դարձրել նա՞ ինձ՝ դեպի Սղոցարան, թե՞ ես իրեն՝ դեպի գյուղ:

Ինձ հետ դու ինչո՞ւ ես գալիս, շնչաց նա: Նա ուրեմն կարծում էր մենք վազում ենք դեպի Սղոցարաններ: Դու ինձ հետ մի՛ արի, շնչաց նա:

Ես նրան բան չասացի, որովհետև ինձ նույնպես թվաց, թե վազում ենք դեպի Սղոցարաններ:

Ինչո՞ւ ես ինձ հետ գալիս, շնչաց նա, ինձ հետ մի՛ արի:

Քիչ խոսիր, ասացի ես, քթով շնչիր:

Մի՛ արի:

Այս անգամ ինձ թվաց, թե նա չի ուզում վազել ինձ՝ վատիս հետ: «Ես կգնամ ու

կգամ, շնչաց նա, կգնամ ու կգամ», այնինչ, նա կարծում էր, ես այնքան լավն եմ, որ գուտ իր համար վագում եմ դարձյալ դեպի Սղոցարաններ:

Դու կգնաս ու կգաս, ասացի ես:

Կգնամ ու կգամ, շնչաց նա:

Բերանդ փակիր:

Նա ընկավ: Չորեքթաթվեց ու նորից ընկավ:

Կգնաս ու կգաս, ասացի ես, էդ է քո գնալուգալը: Ես չէի կարողանում նրան բարձրացնել, և իմ չարչարանքն ինձ դուր էր գալիս: Ինձ դուր էր գալիս, որ ես ահա նրան գետնից բարձրացնում եմ, որ նրա բռան մեջ իմ թեփն է, որ իմ մարմինը շփվում է նրա նիհար կողերին:

Լուռ է, շնչաց նա, խո՛ւլ, խուլ է:

Ինչ Սղոցարան, ինչ թեփ, ասացի ես, էդ ով է ստուգելու՝ մենք Սղոցարան հասե՞լ ենք թե ոչ:

Դու մի անգամ գնացել ես, դու մի՛ արի, շնչաց նա, ես կգնամ ու կգամ:

Բերանս դառնացել է, մի քիչ դանդաղ գնա, ասացի ես:

Մի՛ արի, շնչաց նա, ես գնամ ու գամ:

Իմ թեփը տղաներն են բերել, ասացի ես:

Քո թեփը տղաներն են բերել, շնչաց նա: Քո բերանը դառնացել է, շնչաց նա:

Ոո՛ռչ, բղավեց նա, դու ինձ խաբել ես, դու ինձ գյուղ ես տանում:

Ես փակեցի նրա ճանապարհը:

Իմ թեփը տղաներն են բերել: Միևնույն է, դու Սղոցարան չես գնա, չեմ թողնի:

Ո՛ռչ:

Ես գրկեցի նրան, և երկուսս էլ ընկանք: Եվ այդպես պառկելը նույնքան դուրեկան էր, ինչքան վագրի հրճվանքը ճանապարհի սկզբում: Մենք դժվար ելանք, որովհետև ես նրան բաց չէի թողնում, իսկ նա չէր կարողանում բարձրացնել ինձ:

Դու ինձ խաբում ես, լաց եղավ նա, դու Սղոցարան հասել ես:

Թեփը ես տղաներից եմ վերցրել:

Դուք բոլորդ, բոլորդ Սղոցարան եք հասել, միայն ես չեմ հասել, լաց եղավ նա:

Լաց եղավ, այսինքն՝ թե իր մեջ այլևս ուժ չէր գտնում շուռ գալու դեպի

Սղոցարաններ, այսինքն՝ թե համաձայնել էր այն մտքին, որ ահա այդպես, իմ տված թեփը բռնեցի մեջ և բռնեցքը կրծքին սեղմած՝ վագելու է դեպի գյուղ: Եվ գալիս-գալիս ու լացից ծոմովում էր.

Բայց չես ասի... չես ասի, չէ՞, որ իմ թեփը դու ես բերել:

Դարձյալ.

Դու չես ասի... չես ասի, չէ՞, որ ես Սղոցարան չեմ հասել:

Դու Սղոցարան հասել ես: Բայց նա գալիս-գալիս ու դարձյալ խեղդվում էր.

Բա որ ասեն Սղոցարաններում ի՞նչ կար:

Թե՛ փ, թե՛ կար, ասում էի ես, թե՛ կար:

Արտասուքներն ընկնում էին նրա բոունցքներին, իսկ նա չէր ուզում արտասվել, և դեմքը ծռնվում էր.

Բայց դու հասել ես Սղոցարան:

Դու էլ ես հասել, ասում էի ես, և նա խեղդվում ու փղձկում էր:

Բայց դու չես ասի, չէ՞, որ ես չեմ հասել:

Քո թեփը քո բռնի մեջ է, դու հասել ես, ասում էի ես բայց միևնույն է, ստի համար նրա մարմնի մեջ տեղ չկար, լաց լինելով նա հարցնում էր.

Բա որ ասի թեփը որտեղի՞ց է:

Սղոցարաններից, ասում էի ես:

Բայց ես Սղոցարաններ չեմ՝ հասել, խեղդվում էր նա, Սղոցարաններ չեմ հասել, բայց ձեռքիս թեփ կա, որտեղի՞ց է:

Գյուղը երևաց: Ես ուղղվեցի և ասացի.

Դու ինձանից լավ ես վազում:

Բլուրների վրայից գյուղը նայում էր: Տանիքները ճակատներին քաշած՝ գյուղի տները նայում էին: Նայում ու տեսնում էր գյուղը, որ իր որդիներից երկուսը՝

Արսեն պապի թոռը և Ավետիք պապի թոռը, վերադառնում են ընկերաբար միասին, նրանցից մեկն, իհարկե, մի քիչ ուժեղ կլինի, մյուսը՝ մի քիչ թույլ, բայց ետուառաջ չեն ընկնում, գալիս են ընկերաբար ուս-ուսի: Գյուղի տների միջից դպրոցը մեզ նայում էր լուսամուտների մայրամուտային կայծկլտոցով: Դպրոցի դռնից մեր վերադարձը հավանաբար դիտում էր աղջիկների

կանաչ-կարմիր-նարնջի խումբը... նարնջի հագած աղջիկների խումբը՝ ուռենու ծաղկած ճյուղերը ձեռքներին նայում ու տեսնում էր, թե ինչքան խեղճ, ինչքան թույլ սիրտ պայթելու չափ դանդաղ է ամենավերջինների մեր ընթացքը:

Դպրոցի դռնից հիմա նայում են,– շնչաց նա:

Դու ինձանից լավ ես վազում, ասացի ես,– արագացրու:

Նա լարվեց, նրա դեմքը ծռնվեց, բայց նա ետ էր մնում: Լարման միջից նա դարձյալ լարվեց, մի պահ հավասարվեց ինձ, կարմիր թիկունքը շեղակիորեն երևացնելու չափ անցավ ինձանից, բայց նույնիսկ այդ ակնթարթին երևում էր, որ

նա ինձ հավասարվել է միայն անցողիկ մի պահով: Եվ նրա դեմքին բռնկվեց ու հանգավ այն խեղճ ժպիտը, որ մարդկանց դեմքին բացվում է պարտության հետ հաշտվելու պահին: Նա շնչաց:

Դու գնա:

Մենավոր խաչքարը, ասացի ես:

Բա՞ն ես ասում, շնչաց նա:– Դու գնա:

Մենավոր խաչքարը:

Ուրիշ ի՞նչ էի ասելու: Հո չէր կարելի հենց այնպես, նրան ոչինչ չասելով, նրան չգգալով, իբր թե կողքիդ ոչ ոք էլ չի քաշում վագրի իր չարչարանքը, պոկվել նրանից և տանել քո հաղթական գոյությունը աղջիկների հայացքների միջով դպրոցի բակ:

Դպրոցի ներքևից, ճանապարհի այգեգրյա ոլորանից ես ետ նայեցի նա գալիս էր ցավալիորեն դանդաղ, որտեղ թողել էի՝ այնտեղ էլ կար. ձյունների մեջ իրենց ձորում ինքն ու խաչքարն էին և գրեթե չէին շարժվում:

Ես ուղղվեցի ու դուրս եկա դպրոցի բակ, և դպրոցի բակը դատարկ էր: Ձայն չկար, միայն իմ ականջների խշշոցն էր: Դպրոցի բակը ամայի էր:

Դասասենյակում մարդ չկար, գրատախտակը սև ու սրբված էր: Ուսուցչանոցում մարդ չկար, ժամացույցի ծանրոցը ճոճվում էր լռության մեջ, ուռննու ծաղկած ճյուղերը գրասեղանին մարմնում էին անշուշտ: Բակը ամայի էր, ուսուցչանոցի շենքին մի քիչ թեփ կար:

Ոչ, շնչացի ես, ոչ, ոչ...

Ես բացեցի իմ բուռը, և կոկորդս նեղանում էր, բռունցքիս մեջ թեփը գունդ էր դարձել, թուքս կուլ տվի, և իմ ադամախնձորը ելավ, ինձ խեղդեց ու դանդաղ իջավ, և այդ էլ մի անգամ կարծես եղել էր և հիմա լինում էր դրա երագը, ես գցեցի թեփի գունդը: Գունդը փլվեց ու շաղ եկավ, և շենքի թեփը դարձյալ մի քիչ էր, եթե դու չլինեիր բերած՝ չէիր նկատի:

Ես կռացա, երկու ձեռքով հավաքեցի մեր բոլորիս բերած թեփը, և ամբողջ թեփը եղավ մի բուռ աղբ, և վագեցի ուսուցչուհու տուն: Նա կովերի համար գոմը խոտ էր տանում: Ուռննու ծաղկած ճյուղը ձեռքին՝ Մադաթը կանգնած էր կովերի և գոմի արանքում, կովերին չէր թողնում գոմ մտնել, մինչև հորաքույրը խոտ խցկեր մսուրները: Նա հոնքը կեռեց, ինձ նայեց կողքանց և ատամների արանքից ծլթոցով թքեց, այսինքն թե՝ այդպես կխցկի իմ պարտությունը իմ բերանը: Խոտը թևի տակ՝ ուսուցչուհին տեսավ ինձ, շտկեց թևատակի խոտը, հիմա լռություն էր,

և նայեց ինձ: Միայն ինձ: Ես բացեցի բուռս և լսեցի թեփի ընկնելու ձայնը: Նրա հայացքում սիրո թե փաղաքշանքի պես մի բան զգացվեց, և շրթունքների աննշան դողով, շշուկով նա հարցրեց. «Իսկ Արտավազդն ո՞ր է», և ես զգացի, որ նա ուզում է ինձանից լսել՝ «եկել է, դպրոցում է», բայց նա չէր եկել, դպրոցում չէր, ձորի իր հատակներում, մենակ, շեղվելով ու ընկրկելով կովում էր իր վագրի դեմ. «գալիս է», ասացի ես, և նրա հայացքը դարձավ այնպիսին, կարծես իմ մեջ նա տեսնում էր իր եղբոր սպանողին:

Այո: Նա շուռ եկավ ու ներս տարավ իրենց կովերի խոտը: